

Møteinnkalling

Utval: Jostedalsbreen nasjonalparkstyre
Møtestad: Skei Hotell i Jølster
Dato: 02.12.2013
Tidspunkt: 14:00

Velkommen til Skei til Jostedalsbreen nasjonalparkstyre sitt siste møte i 2013.

Møtet begynner kl 14.00, og det er fleire viktige saker som styret skal handsame. Vi har bestilt ein flott middag til kl. 17.00, mellom anna med Jølstraure.

Dersom varamedlem ønskjer å vere med på møtet og middagen, er de velkomne til å delta!

Eventuelt forfall må meldast snarast til nasjonalparkforvaltar Maria på tlf. 93 66 42 56.

Styremedlem frå Stryn, Sven Flo, har meldt forfall, vara Marie Johanne Folven møter i staden. Andre vararepresentantar møter til styremøtet etter nærare beskjed.

Vel møtt!

Saksliste

Utvals- saksnr	Innhald	Lukka	Arkiv- saksnr
ST 35/13	Godkjenning av innkalling og dagsorden		
ST 36/13	Val av to styremedlemmer til å skrive under protokoll		
RS 5/13	Referat frå møte i fagleg rådgjevande utval 2013 - Jostedalsbreen nasjonalpark		2011/3934
RS 6/13	Jostedalsbreen nasjonalparkstyre - vinnar av anbodskonkurranse om kartleggingstenester		2013/4819
ST 37/13	Jostedalsbreen nasjonalpark - utviding av fagleg rådgjevande utval		2011/3934
ST 38/13	Oppstartsmelding for revideringa av forvaltningsplanen, Jostedalsbreen nasjonalpark		2013/4971
ST 39/13	Jostedalsbreen nasjonalparkstyre - tiltaksplan 2014		2013/4857
ST 40/13	Jostedalsbreen nasjonalparkstyre - høve kring bestillingsdialogen for 2014		2013/5023

ST 35/13 Godkjenning av innkalling og dagsorden

ST 36/13 Val av to styremedlemmer til å skrive under protokoll

RS 5/13 Referat frå møte i fagleg rådgjevande utval 2013 - Jostedalsbreen
nasjonalpark

RS 6/13 Jostedalsbreen nasjonalparkstyre - vinnar av anbodskonkurranse om
kartleggingstenester

Arkivsaksnr: 2011/3934-0

Saksbehandlar: Maria Collett Knagenhjelm

Dato: 26.11.2013

Utval	Utvalgssak	Møtedato
Jostedalsbreen nasjonalparkstyre	37/13	02.12.2013

Jostedalsbreen nasjonalpark - utviding av fagleg rådgjevande utval

Innstilling frå forvaltaren

Jostedalsbreen nasjonalparkstyre utvider sitt fagleg rådgjevande utval til å inkludere ein representant frå alle dei tre autoriserte nasjonalparksentra. Fagleg rådgjevande utval vert også utvida til å inkludere ein representant frå Fylkesmannen i Sogn og Fjordane sin miljøvernavdeling.

Saksopplysningar

I sitt styremøte den 9.-10. juni 2011 oppretta Jostedalsbreen nasjonalparkstyre i sak 14-2011 eit fagleg rådgjevande utval.

Vedtaket vart formulert som følgjande:

Nasjonalparkstyret oppmodar følgjande sju institusjonar/miljø om å oppnemne ein person til utvalet:

- *Dei tre nasjonalparksentra kring Jostedalsbreen nasjonalpark (Breheimsenteret, Bremuseet og Nasjonalparksenteret)*
- *Naturvernforbundet i Sogn og Fjordane*
- *Sogn og Fjordane Turlag*
- *Sogn og Fjordane Bondelag*
- *Sogn og Fjordane Bonde- og småbrukarlag*
- *Reiselivslaga (destinasjonsselskapa) i fylket knytt til Jostedalsbreen nasjonalpark (Reisemål Stryn og Nordfjord, Reisemål Sunnfjord, Reisemål Sogndal og Luster og Fjærland Reiselivslag)*
- *Forskningsmiljø (t.d. klima/geografi/geologi i Bergen (Høgskulen i Sogn og Fjordane, Universitetet i Bergen)*

Nasjonalparkstyret meiner ein kan eventuelt supplere eller endre samanstillinga av det fagleg rådgjevande utvalet ved eit seinare høve.

Disse representantane har utgjort Jostedalsbreen nasjonalparkstyre sitt fagleg rådgjevande utval:

Naturvernforbundet	Jon Farestveit
Universitetet i Bergen	Atle Nesje
Nasjonalparksentra	John Brekke
Sogn og Fjordane Bondelag	Merete Støfring
Sogn og Fjordane Bonde- og småbrukarlag	Ingolf Folven
Reiselivslaga	Peder Kjærvik
Sogn og Fjordane Turlag	Ingeborg Flaten

Fagleg rådgjevande utval har per dags dato hatt eitt møte pr år, som regel i november. Neste år blir det truleg to møte grunna forvaltningsplanarbeidet.

Vurdering

Det er av forvaltar si vurdering at nasjonalparkstyret bør utvide det fagleg rådgjevande utvalet (FRU). Sjølv om det ikkje er eit mål i seg sjølv å ha flest mogeleg i utvalet er det viktig å sikre involvering av ulike interesser, kunnskap og kompetanse i verneområdet.

Nasjonalparken vår er unik i Noreg fordi vi har tre nasjonalparksentre rundt verneområdet. Fordi dei dekker kvart sitt geografiske område av nasjonalparken, har litt ulik profil og har kontakt med kvart sitt «bygdemiljø» vurderer forvaltar at dei tre sentra bør ha kvar sin representant i FRU.

I fleire andre verneområdestyre, m.a. Stølsheimen og Nærøyfjorden sit også ein representant frå Fylkesmannen i Sogn og Fjordane, då tidlegare verneområdeforvaltar. Fordi Fylkesmannen har forvalta Jostedalsbreen nasjonalpark dei siste 20 åra har dei mykje kunnskap og erfaring frå området, noko som forvaltar vurderer kan vere nyttig i FRU også dei kommande åra.

Med ei utviding av FRU med dei føreslegne kandidatane vil utvalet ha 10 representantar.

Arkivsaksnr: 2013/4971-0

Saksbehandlar: Maria Collett Knagenhjelm

Dato: 25.11.2013

Utval	Utvalgssak	Møtedato
Jostedalsbreen nasjonalparkstyre	38/13	02.12.2013

Prosjektplan og oppstartsmelding for revideringa av forvaltningsplanen, Jostedalsbreen nasjonalpark

Innstilling frå forvaltaren

Jostedalsbreen nasjonalparkstyre vedtek prosjektplan og oppstartsmelding for revideringa av forvaltningsplanen for Jostedalsbreen nasjonalpark, og dermed også oppstart av planarbeidet. Prosjektplanen vert sendt kommunar, andre offentlege etatar, grunneigarar, rettshavarar og andre brukargrupper av nasjonalparken.

Saksopplysningar

Dokument som bakgrunn for saka:

- Forvaltningsplanen for Jostedalsbreen nasjonalpark frå 1994
- Verneforskrifta for Jostedalsbreen nasjonalpark frå 1991
- Naturmangfoldlova frå 2009
- Vedtektene for Jostedalsbreen nasjonalparkstyre

Som forvaltningsmynde for Jostedalsbreen nasjonalpark er styret ansvarleg for å utarbeide og revidere forvaltningsplanen for verneområdet (jf vedtektene).

Miljødirektoratet skal ha planen til fagleg gjennomgang før høyring og til endeleg godkjenning etter høyring. Saksgangen for arbeidet med forvaltningsplanar er i utgangspunktet følgjande:

- Styret vedtar prosjektplan, og sender oppstartsmelding til kommunar, andre offentlege etatar, grunneigarar, rettshavarar og andre brukargrupper jf (nml §§ 41-43)
- Arrangere oppstartsmøte rundt i kommunane/bygdene
- Etablere referansegruppe/arbeidsgruppe, i vårt tilfelle vil fagleg rådgjevande utval ha denne funksjonen.
- Utarbeide framlegg til forvaltningsplan for nasjonalparken

- Få den godkjent i Miljødirektoratet og deretter sende framlegget på høyring til kommunar, andre offentlege etatar, grunneigarar, rettshavarar og andre brukargrupper
- Gjennomgang av alle høyringsuttalar og innarbeiding av innspel i planen
- Godkjenning av planen i nasjonalparkstyret, Miljødirektoratet og utsending

Forvaltar har sett opp framlegg til prosjektplan. Etter at prosjektplanen er godkjent av styret, skal melding om oppstart av planarbeidet gå ut. Oppstartsmeldinga vert og trykt i alminneleg leste aviser rundt verneområdet.

Prosjektplan, revideringa av forvaltningsplanen for Jostedalsbreen nasjonalpark

Føremål

Føremålet med forvaltningsplan er å sikra ein heilskapleg og forutsigeleg forvaltning av verneområdet. Planen skal ha eit perspektiv på minst 10 år. I arbeidet med planen er det viktig med ei brei deltaking frå ulike interesser og brukargrupper. Slik kan vi få fram verneføremålet og bruksverdiene, og på den måten dempa moglege konflikhtar.

Forvaltningsplan skal vera eit styringsverktøy i arbeidet med å forvalte nasjonalparken og slik også ivareta verneførmålet. Med ein heilskapleg forvaltning kan vi unngå tilfeldige enkeltvedtak som kan vere til ulempe for verneverdiene.

For å få ein heilskapleg arealforvaltning både innanfor og utanfor nasjonalparken, bør det i arbeidet med revidering av planen, vurderast om det er trong for omsynssoner rundt verneområdet (jf. § 11-8, hensynssoner i plan- og bygningslova av 27.06.2008), for å hindra vesentleg forringing av verneverdiene innanfor verneområdet.

Arbeidet med forvaltningsplanen opnar ikkje for ein ny vurdering av verneforskrifta eller grensdraginga av nasjonalparken.

Forvaltningsplanen skal:

- Presisere og utdype verneforskrifta
- Definere overordna forvaltningsmål og bevaringsmål
- Beskrive tilstanden for naturmiljø, kulturminne og kulturlandskap, og synleggjere trugsmål både innanfor og utanfor vernegrensa
- Omhandle status for og behov frå ulike brukarinteresser (t.d. landbruk, friluftsliv, reiseliv, med fleire)
- Konkretisere ønskja og naudsynte tiltak i nasjonalparken
- Legge til rette for gode rutinar i handsaminga av dispensasjonssakar etter verneforskrifta.

Målgruppe

Målgruppene er kommunane, ulike offentlege etatar, grunneigarar og rettshavarar,

næringsorganisasjonar, interesseorganisasjonar, med fleire.

Kunnskapsgrunnlaget

Det vert gjennomført ein kunnskapsinnhenting av tema kring kulturminne, næringsaktivitet (landbruks- og turismerelatert næring). Jostedalsbreen nasjonalparkstyre ønskjer å innarbeide ein besøksstrategi i forvaltningsplanen, og delta i Miljødirektoratet sitt pilotprosjekt. Det er mogeleg at det under planarbeidet vert avdekkja trong for fleire kartleggingar.

Organisering

Nasjonalparkstyret er styringsgruppe for arbeidet og eigar av planen. Styret vil ha det overordna og formelle ansvaret for både planprosessen og plandokumentet. Det faglege rådgjevande utvalet (FRU) er referansegruppe, og skal ha ein rådgjevande funksjon. Det administrative kontaktutvalet skal kunne sjå til at forvaltningsplanen er i tråd med kommunale- og fylkeskommunale planar, og ha dialog kring kva om skjer i randsona i verneområdet.

Nasjonalparkforvaltaren vil stå for det praktiske skrivearbeidet, samt organisering og gjennomføring av møte. Den overordna målsettinga med prosessen er å sikre ein god dialog og få god flyt av informasjon til alle involverte partar. Nasjonalparkstyret sin heimeside er den naturlege kanalen for formidling av informasjon. Media vil bli invitert til oppstartsmøta slik at prosessen vert gjort kjent for flest mogeleg på lokalt plan.

Framdriftsplan:

Oppgåve	Ansvarleg	Tidspunkt
Vedtak av prosjektplan og oppstartsmelding	Nasjonalparkstyret	2013 Desember
Kunngjering/utsending	Forvaltar	2013 Desember
Oppstartsmøte fagleg rådgjevande utval (FRU)	Forvaltar	2013 November
Oppstartsmøte kommunar og bygder	Forvaltar	2014 Jan/Feb/Mars
Høyringsfrist oppstartsmelding	Forvaltar	2014 – 1.april
Føre pennen, skrive planen	Forvaltar	2014 April - Desember
Fagleg gjennomgang av planutkast	Miljødirektoratet	2015 Januar – Februar
Tilpassingar etter fagleg gjennomgang	Forvaltar/Styret	2015 Mars
Vedtak av framlegg til planutkast	Styret	2015 April
Presentasjon av planutkast til kommunar, FRU, høyringspartar	Forvaltar	2015 April/mai
Høyringsfrist		2015 - 1.september
Handsaming av merknadar og innspel	Forvaltar	2015 September
Vedtak av forvaltningsplan	Styret	2015 Oktober
Godkjenning forvaltningsplan	Miljødirektoratet	2015 Oktober-Desember
Trykking og utsending av planen	Forvaltar	2016 Januar

Budsjett

Annonser i avisene	kr 25 000
Bygdemøte og fagleg rådgjevande utval	kr 30 000
Utsending av planen på høyring	kr 10 000
Trykking av den ferdige planen	kr 15 000
Sum	kr 80 000

Arkivsaksnr: 2013/4857-0

Saksbehandlar: Maria Collett Knagenhjelm

Dato: 27.11.2013

Utval	Utvalgssak	Møtedato
Jostedalsbreen nasjonalparkstyre	39/13	02.12.2013

Jostedalsbreen nasjonalparkstyre - tiltaksplan 2014

Innstilling frå forvaltaren

Saka vert lagt fram utan innstilling, men med eit utkast til diskusjon.

Saksopplysningar

Nasjonalparkforvaltar har sendt invitasjon til innspel på tiltaksplanen til Administrativt kontaktutval, Fagleg rådgjevande utval (sjå også referatsak), og har hatt saka liggjande på heimesida til nasjonalparkstyret i om lag tre vekers tid.

Dei enkelte postane på skjemaet vert presentert på styremøtet.

Vurdering

Sjå excel-skjema på neste side. Kolonne 4 (prioritet) er kun eit utgangspunkt for diskusjon. Det er også plass til fleire tiltak, eller høve til å utsette tiltak til året 2015 eller seinare.

TILTAKSPLAN FOR JOSTEDALSBREEN NASJONALPARK 2014-2017										
Vernemåtelevnavn + naturbase- id	Tiltakskategori	Kort beskrivelse av tiltak	Prioritet	Finansiering	Sist endret: datomind år	Hvem gjennomfører tiltaket?	Gjennomføringsperiode (2014-2017)	Intervall (eventuelt)	Kostnadsoverslag (kr)	Merknad/kommentar
Jostedalstreene nasjonalpark VV00000672		Rydde kulturlandskapet på selflata og nordover ved Sunndalssetra	1	SNO/Styret		Sundalssetra grunneigarlag	2014		15 000	Prøveprosjekt med betedyr
Jostedalstreene nasjonalpark VV00000668	Skjøtsel av vegetasjon	Utbedring av stien over Lundekaret	2	SNO-bestillingsdialog		Grunneigarar/DNT/SNO/forvaltar/reisellv	2014		600 000	Sjå rapport for restaurering av gamle ferdselsveger
Jostedalstreene nasjonalpark VV00000669	Tilrettelegging	Utbedring av stien over Oldskarret	3	SNO-bestillingsdialog		Grunneigarar/DNT/SNO/forvaltar/reisellv	2014		500 000	Sjå rapport for restaurering av gamle ferdselsveger
Jostedalstreene nasjonalpark VV00000673		Fjerne gran og opne vetter i Krundalen	4	SNO-bestillingsdialog		Grunneigarar/bygdela/SNO	2014-2015		40 000	Grana spreier seg, og vatningsveitene tettar seg, slik at stien vert flauma med jamne mellomrom.
Jostedalstreene nasjonalpark VV00000671	Utak av fremmede arter	Lage ein detaljplan for skjøtsel i Bødalen/Ertdalen/Sunnndalen	5	SNO/Styret		Grunneigarar/bygdela/SNO	2014		90 000	Jf skjøtselsplan. Kr 30 000,- til kvar av dei tre dalfløra for ein enkel og detaljert plan for rydding av glenavaste setervoller og viktig kulturlandskap.
Jostedalstreene nasjonalpark VV00000670	Informasjon	Parkeringsplass og informasjon ved npsentret på Fosnes	6	SNO/Styret		Jostedalstreene nasjonalparksentret	2014-2015			Jostedalstreene nasjonalparksentret har utarbeida detaljert prosjektskildring med kostnadsoverslag
Jostedalstreene nasjonalpark VV00000674	Vedlikehold	Kvannebakku	7	Styret/Røde kors		Løstet Røde Kors	2014		10 000	Tiltaket er søknadspliktig jf verneforskrifta
Jostedalstreene nasjonalpark VV00000675	Vedlikehold	Trekanthytta på Steinmannen	8	Styret/Røde kors		Hafslø Røde Kors	2014		50 000	Tiltaket er søknadspliktig jf verneforskrifta
Jostedalstreene nasjonalpark VV00000676	Tilrettelegging	Utbedre stien til Steinmannen	9	SNO-bestillingsdialog		Grunneigarar/SNO/forvaltar/Røde kors	2014		300 000	Sjå rapport for restaurering av gamle ferdselsveger
Jostedalstreene nasjonalpark VV00000677	Tilrettelegging	To bruer i Langedalen Austerdalen	10	SNO-bestillingsdialog		DNT/SNO	2014			
Jostedalstreene nasjonalpark VV00000678	Vedlikehold	Vøle opp fundament på bru-karet på Slinglebrua	11	SNO/Styret		Skåstallaget	2014		50 000	Fundamentet på bru-karet har blitt svekka grunna erosjon
Jostedalstreene nasjonalpark VV00000679	Tilrettelegging	Steinsetting av sti ved S-sving 3 på Skåstien	12	SNO-bestillingsdialog		Skåstallaget	2014		30 000	Forsterke sti og stabilisere lausmasser

Arkivsaksnr: 2013/5023-0

Saksbehandlar: Maria Collett Knagenhjelm

Dato: 27.11.2013

Utval	Utvalgssak	Møtedato
Jostedalsbreen nasjonalparkstyre	40/13	02.12.2013

Jostedalsbreen nasjonalparkstyre - høve kring bestillingsdialogen for 2014

Innstilling frå forvaltaren

Jostedalsbreen nasjonalparkstyre vedtar primært at nasjonalparkforvaltar, i dialog med SNO, får delegert fullmakt til å fylle inn skjema og gjennomføre bestillingsdialogen for 2014. Tiltaksplanen vil ligge til grunn for dei kostnadskrevjande tiltaka.

Sekundært kan Jostedalsbreen nasjonalparkstyre eller arbeidsutvalet sette opp eit nytt styremøte i begynninga av januar for å vedta bestillingsdialogen for nasjonalparken.

Saksopplysningar

Det har pr dags dato ikkje komme instruksar kring bestillingsdialogen for året 2014, anna enn at fristen for innlevering til Statens naturoppsyn-sentralt er den 10. januar. Årsaka til forseinkinga frå sentralt hald er overgangen til eit elektronisk søknadssenter.

Vurdering

Anten kan styret møtast til eit nytt møte i begynninga av januar eller så kan forvaltar og SNO lokalt gjere arbeidet. Miljødirektoratet legg opp til at bestillingsdialogprosessen skal forankrast godt i styret.

Med tiltaksplanen som fundament for bestillingsdialogen vil styret ha forankra dei kostnadskrevjande tiltaka. Andre bestillingar som ikkje krev økonomiske ressursar, som til dømes registreringar av ferdslø, dyre- og planteliv, oppsyn med verneforskrift og løyve eller vegleiing, vil kunne vidareførast omtrent som frå tidlegare år.

